

湯子遺書



湯子遺書卷九 目錄

告諭

曉諭事

曉諭事

申明例限以清沈滯事

遵勅徵收等事

公籲憲恩始終請豁事

咨會禁飭事

嚴禁強勒田租私債以拯殘黎事

再嚴濫差勒耗之弊以肅官方以甦民困事

湯子遺書卷九 目錄

地沈民逃殆盡等事

再嚴徵漕之禁以清銅弊以除民累事

嚴禁旗丁勒索以紓官困事

衝驛苦累申飭禁革陋規事

嚴禁徵收白糧積弊以恤民力事


欽奉恩詔事

謹陳河工善後事宜等事

嚴禁役滿戀棧以除弊源以信功令事

查修城內河道以通舟楫以便民用事

請勅修先賢祠宇崇正學以維風教事



脩復先儒書院以崇正學事

嚴禁汎捕指陷私鹽以除民害事

嚴禁地棍假逃行詐以靖地方事

曉諭事

飭查學宮事宜事

申飭事

酌定名宦祀典事

查取遺書事

禁遏邪淫以正人心以厚風俗事

名山苦累未除等事

溫學子遺書卷九 目錄

嚴禁貼揭騰謗以戢刁風事

嚴禁丐頭肆橫以除民害事

四哭奇冤事

禁約事

嚴禁商綱指官箠斂以清積弊以肅鹺政事

曉諭事

嚴禁擾累鋪戶以甦民困事

欽奉恩詔事

理財用人等事

題明巡邏會哨之法永靖海氛仰祈睿鑒事

再行申飭獄政以廣欽恤之恩事

無錫縣東林書院呈詳事

臨行曉諭士民

湯子遺書卷九 目錄

三



編者 鍾士別

無錫縣東林書院呈詳事



照得長吳二縣役田花利義租等銀原係正賦之外另行派徵雖曰公田餘租然民間最稱苦累本都院憫念爾民賦重役繁除將舊例有應解充本都院吏書公費者飭行司縣槩行豁免外合行出示曉諭爲此示仰長吳二縣役田各戶知悉花利義租銀內向充撫院衙門吏書公費銀兩自康熙二十四年爲始盡行豁免如有不法蠹胥借名濫徵或指稱豁免使費妄派絲毫或經訪聞或被告湯子遺書卷九 江南公牘

發定行立拏蠹役處死決不輕貸特示

曉諭事

照得蘇松等屬版荒田地錢糧久奉 恩綸豁免

惟長洲縣版荒昔年總歸清丈案內勘報雖廢基

絕塚已經豁除二十一頃零其餘版荒田地仍照

舊完辦荒平米折每荒平米一石納銀五錢三分

零未得與太倉等九州縣一例邀蠲其間產蘆荻

可完正供者固有而不毛頑土歷年賠累者亦多

本都院念切民瘼除現在檄行布政司選委廉員

查勘外但版荒田地散處各圖必須報明確數庶

便按圖尋坵問號察勘真偽以杜混冒合行由示
曉諭爲此示仰長洲縣士民糧里人等知悉凡有
真正版荒賠糧田地各自開明坐落倉分都圖字
圩第幾坵計田若干繪列坵形註明四址及業戶
姓名現在完辦幾斗幾升則荒平米折銀若干或
辦幾斗幾升則熟田糧折造冊一樣二本一投長
洲縣一投本都院以備查勘此冊定限二月初一
起至二十日止許爾民逐日投遞如過此期不
收勘至於產有蘆葦茅荻等項可以樵採辦糧及
有主墳地不得槩作版荒開報其已於清丈案內

湯子遺書卷九

江南公牘

三

豁免者亦不得重複混呈妄希冒蠲如有故違一
經察出定行依律重處設有徭役地棍指稱請蠲
版荒科歛分文使費爾民亦卽指名呈控以憑嚴
拏審實立斃杖下決不輕貸各宜凜遵毋貽後悔
申明例限以清沉滯事

照得一應 欽部事件非關錢糧緊務卽係刑獄
重情俱有一定例限難容逾越如人命事案則以
告發之日爲始限六個月審招完結盜案則以失
事之日爲始限四個月將失事緣由疎防職名報
參至一切 欽部事件槩以本都院准到部文之

日爲始四個月內咨題屢奉 上諭嚴行申飭不准展限如有逾期以限滿之日爲始扣至完結之日按月處分輕則降俸重則鐫革煌煌 功令刊刻甚嚴凡奉行州縣務必隨到隨行各依定限先期詳報以便司府覆核轉詳倘有未明未協可以駁覆清楚不致稽遲牽擾乃近來各屬罔知例限因循積習一味玩延司道府官漫無程督及至定限屆期本都院籤檄催提惟以屬員報參爲了事而承審承查事案一任經胥沈捺或借翻駁株求經年累月不能完結墮誤職守莫此爲甚合行通湯子遺書卷九 江南公牘

三

飭爲此仰司道府州官吏查照來文凡一應部事件人命盜案各州縣務宜查審明協預期申詳該司道府州卽行覆核妥確於限內詳報本院以憑依限咨題如申飭之後仍前惰窳逾限不覆及臨限草率具詳致煩駁詰耽誤除按件嚴提經承究處外仍將該司道府州從重指參不貸慎之

遵勅徵收等事

准督理海稅監督手本移稱云等因到院准此爲照孟河向無收稅之例因丹陽一帶嚴冬水涸漕船壅阻恐違例限是以議令商船暫走長江遶道

南來仍由滄墅關納稅此誠一時權宜非定例也
今若再開稅務則是由江頭以至蘇府兩處輸納
商民視爲畏途勢必仍走丹陽恐禁之則病商聽
之則誤漕兩爲未便至於海關移文內有捐納之
事例已停等事案內條議一款武進縣有孟河等
口是孟河爲應徵海口無疑等語查原條議係布
政司行各府縣查報凡其境內港口不論濱海濱
江盡行開列共有六十餘處非盡濱海也故該司
止定劉河滌缺黃田港任家港廟灣五處收稅查
黃田港亦非濱海止因分府抽稅而江陰縣在常
湯子遺書卷九 江南公牘

四

府之最東故酌定稅口耳至於孟河等口去海甚
遠至武進奔牛地方仍入運河歸滄墅關收稅祇
因疏通漕運令商船迂道由此與海口無涉也又
恭讀海關 勅書云其海口內橋津地方船車貿
易等物槩勿徵稅是內地之稅與海關無涉矣海
關受茲委任似當廣示恩信速行招商飄洋貿捕
凡出海口貿捕者照所定則例徵稅如隱匿不報
及勢豪包攬侵剋致虧 國課並夾帶禁物營船
越界往來夾帶貨者照例拏究以仰遵 勅諭凡

在官民誰敢不奉行惟謹客商聞風而至海稅必

至充盈若海口內橋津地方縱收稅能有幾何徒
起事端恐非朝廷開海之意事關海稅本院不
宜與聞但准海關移文有違勅之說故敢略陳
其愚至於奸棍毀滅贍黃竊去稅旗等事已行布
按二司會同察明通詳會奪相應先將孟河不係
海口不應收稅緣由咨明爲此合咨

公籲憲恩始終請豁事

本年正月二十一日據蘇松道劉副使詳稱正月
十九日據蘇州府太倉州崇明縣進士吳標云本
道仰體惠愛邊黎德意冒昧具詳應否允行伏候
湯子遺書卷九 江南公牘

五

憲裁等情到院據此爲照海氛甯靖 皇恩大弛
海禁令民造船越省貿捕濱海之民莫不歡欣踴
躍感頌 朝廷浩蕩之仁前據司道條議劉河一
口議於此處設官收稅又因崇明孤懸海外恐商
民不便輸稅有令縣官就近經收之議此皆指越
省貿捕船隻而言非謂崇明之民些微土產盡取
而稅之也蓋崇明雖居海中乃蘇郡屬邑士民往
來郡城勢不能已當禁海之時固未嘗禁其出入
也何也崇明之於蘇郡猶門庭之於堂奧也今慮
崇明之民或有越省貿捕者或有他處奸民將越

省買捕之物影射崇明內地名色希圖漏稅者遂
併將真實崇明之人運變些須土產完納賦稅者
一槩與越省買捕一例徵收是崇民一出門卽無
不稅之物各省蒙開海之利而崇邑彈丸獨受開
海之害且崇民下海口必由施翹上海岸必由劉
河今旣稅施翹又稅劉河是由崇至蘇卽逾兩關
自來設關之密未有甚於此者豈 朝廷開海禁
之意乎宜乎其紳士軍民遑遑奔顙遣之不去也

茲據該道具詳七了口與施翹河對渡令將原設
划報渡船令該縣編號給票往來裝運民間土產

湯子遺書卷九

江南公牘

六

等物河口驗票免稅其越省買捕船隻仍歸劉河
口出入似爲妥便查此案條議雖經據以會題而
崇明係蘇郡屬邑民間土產微物禁海時未嘗斷
絕者條議內原未議及起稅且買捕船隻必由劉
河其他港口甚多亦不能禁本地居民不許往來
七了口與他港口等耳何他港昔禁而今開獨七
了昔開而今禁稍一變通與會題事宜毫無妨礙
而崇民生計不至阻滯更於蘇郡各屬中亦無偏
枯之嘆焉貴部院愛民素切諒有同心相應咨商
爲此合咨煩請查照裁奪示覆以便轉飭遵照施

咨會禁飭事

照得崇明一邑孤懸海外近奉 皇恩大開海禁許民造船越省貿捕誠以邊海民生非藉此無以樂利也至若該地土產貨物必從蘇郡內地變售而渡海往來必由施翹河出口已據司道會議仍用划報渡船裝運免其徵稅蓋以崇明爲蘇郡屬邑與越省貿捕不同業經通行遵照在案近聞有等不法汎兵藉名盤查遇商民裝運船隻毋論土產貨物一槩需索卽行人往來手攜肩負之物錙湯子遺書卷九 江南公牘

銖不遺且河口置有柵木原以盤詰奸僞非爲阻抑小民乃每過一柵必需索銀錢方始放行遂使此一方民舉足維艱每日環遶公署號泣盈庭本院慰諭再三而去貴鎮駐鎮海疆戢兵安民諒有同心相應咨會爲此合咨煩爲查照出示禁戢并轉行各營將領一體遵照仍祈示覆

嚴禁強勒田租私債以拯殘黎事

照得淮揚地方災患頻仍徐屬州縣土瘠民貧今歲夏秋霖雨滂沱河湖漫溢田禾室廬盡付洪波失業災黎流離顛沛慘苦萬狀本都院蒿目憂心

寢食俱廢除災田應徵正賦已經題請破格蠲恤
并動支司庫現銀委員赴江楚購買米石復又籲
請各都院將軍檄行司道府廣募捐輸力圖拯救
本院會同總督漕部院分路親賑務期保此子遺
不至逃亡失所凡富家大戶皆係比閭族黨尤當
相勸相恤敦親睦之誼民氣旣和天行自若一應
田租利債皆應暫緩俟轉年豐稔償還在富家好
行其德在貧民可保其生豈意有等不法勢豪昧
卻天理惟圖封殖國課尚蠲私租不免喝縱惡
僕百般逼勒至令投繯自刎忿恨殞身不思富家
湯子遺書卷九 江南公牘

八

田地全賴佃戶耕種佃戶逃亡田疇荒蕪縱有威
力亦何所施至於私債尤當暫寬惟此災民露處
風殮饑寒交迫雖加酷逼有何抵償天道好還從
來不爽爲富不仁難逃譴責况貧者轉死溝壑不
能保其性命甚或計無復之甘自棄於凶人富者
安能家累千金洗腆用酒而言無事乎此又人事
之昭然者各當醒悟不宜執迷合行曉諭爲此示
仰該屬紳衿富戶商民人等知悉今歲水災深重
民困實甚大家巨室積有餘穀盡行出糶本院江
楚米至價當自平再蠲各色雜糧分任粥場趁此

荒年好積陰功活及萬人子孫當有福慶佃戶應
輸田租從寬免追保護佃戶以俟豐年田地不至
荒蕪租課依然尚在不得縱容悍僕百端逼勒至
於乘其窘迫折準子女尤爲鬼神所不宥若係熟
田仍照例完租以資輸賦亦不得希圖逋賴一切
私債槩不許索如不法勢豪罔恤災患仍前恃強
追呼咆哮詈罵驅迫窮民至令逃亡自盡一經訪
出大則題叅究擬小則嚴提重處斷不姑貸慎毋
抗違自貽後悔

再嚴濫差勒耗之弊以肅官方以甦民困事

湯子遺書卷九 江南公牘

九

照得揚屬地方災沴頻仍水患未弭民生困苦較
別屬爲尤甚郡城闐闐之間雖足壯觀四鄉僻壤
以及高寶興泰等處或田沈水底或棲止堤干流
離凋瘵情形誠堪憫惻全賴地方各官整躬率屬
潔已愛民湔剔蠹弊痛絕耗羨俾小民省得一分
浮費卽可完得一分正供庶幾稍培元氣漸起瘡
痍乃揚屬錢糧科則正雜款項繁多地丁之外則
有另徵雜辦牙餉碾餉行夫單夫行稅坐稅之不
一其名而不肖官吏膜視民瘼徵收之際不行明
白開列應輸科則或額外私加或倍勒耗費如地

丁錢糧尚有易知由單刊布應輸數目小民間有
知識猶不敢恣肆多科然完納正銀一兩重戥勒
耗每至加二三不等至於雜辦行夫等項民間既
不知有額徵數目縣官又不將每戶每丁應輸若
干明白開寫止列應完幾戶幾丁字樣恣意橫徵
應輸正銀一兩竟有徵至二三兩之多如此蠹弊
府廳衙門不行嚴加察禁反多借名稽查月報日
報掛號銷號支存茶果等項名色勒索州縣每兩
二三分不等復行每項濫設坐催提催等差一州
縣不下二三十人更番盤踞索擾無休是州縣官

湯子遺書卷九

江南公牘

十

之敢於橫徵苛斂者皆由府廳官褻躬不正有以
縱之嗟小民有限脂膏何堪上下誅求層層剝削
無怪乎民生日蹙而國賦日懸也本都院深悉
諸弊下車之始卽首先嚴禁今訪聞揚府所屬官
吏悍然不遵或有日暮途窮之輩爲家人衙蠹眩
惑不特踵襲舊弊且更加甚是將欲厚其囊橐爲
子孫身家之計乎不知功令森嚴白簡如霜一

旦敗露身陷囹圄求歸老首邱何可得乎合再嚴
行飭禁爲此示仰該屬官吏軍民人等知悉州縣
官徵收正雜錢糧務按由單科則及應輸確數逐

項明白開寫令民通曉不得仍前通同朦混額外橫徵正銀悉照部法聽民秤準自封投櫃不許縱容胥蠹執戩秤收加重勒耗府廳各官尤宜清慎自持正已率屬痛絕從前諸弊不得止圖一時肥潤罔知國憲難寬其借稽查掛銷及拘提人犯等項名目濫差滋擾卽時盡數撤回倘悍然故違本都院耳目最真執法如山見聞所及定行飛疏糾參斷不姑爲寬假悖入悖出經訓昭然貪黷虐民王章難追各宜洗滌慎勿泄視凜切凜切

地沈民逃殆盡等事

湯子遺書卷九

江南公牘

七

照得邳州一邑今歲水患非常災民疊遭困阨雖六月內被淹之田已據勘明分數照例題蠲但自七月以後復據紛紛詳控又遭大雨颶風連縣匝旬闔邑田地盡付波臣四望郊原如同滄海人畜淹沒男婦啼號泃泃思竄本院披閱之下疚心疾首寢食靡甯旣經批飭該藩司轉飭該州力圖撫綏暫停徵比并令細加察議將淹沈田地作何請蠲被災遺黎作何賑恤新舊錢糧作何寬緩逐一酌議妥確通詳大聲疾呼已不啻至再至三矣乃至今未據確覆至查該州原報殘邑已蒙糧田永

廢田地逾沈三案永沈堤占等田五千七十餘頃
先據士民呈籲并據該州申報當卽批飭確勘議
詳乃竟任意遲延既不查勘明白據實呈請前報
被災案內又不一並詳請題蠲反行除去是熟田
被災尚可望三分之蠲恤而此積淹占廢之田反
不能一例邀蠲此皆該司州玩泄從事誤此災黎
也况該州併衛地在一方又不一時具詳致題報
先後參差不知該州身爲民牧何漫不經心至此
今該州田地陸沈幾成廢治若不亟圖拯救將來
賦稅何出民生何賴本院日夜北望焦心如焚而
湯子遺書卷九 江南公牘

三

該州又千里來蘇任災民逃竄置之不問不知是
何意見令人大惑不解合亟飭議爲此仰司州官
吏文到立將邳州原報水災田地今又被淹緣由
遵照節次批飭事理卽日逐一妥議切實通詳并
將殘邑已蒙等事三案積淹隄廢等田或應一併
彙請或應另案詳題亦卽確議造具冊結通詳以
憑會奪事關國計民瘼如再悠忽定以溺職指參
不貸切速切速

再嚴徵漕之禁以清鋼弊以除民累事

照得徵收漕糧弊竇百端皆由在漕道廳州縣各

官託胥役爲腹心置民瘼於度外因循苟且視若固然上負國恩下慚民牧莫此爲甚本都院下車之初已經嚴飭禁約不啻舌敝穎禿今又值開兌在即恐有不肖有司及警不畏死之胥役日久生玩故智復萌除行糧道府正監兌各官嚴加察禁外合再出示嚴禁爲此示仰撫屬在漕官吏糧里人等知悉康熙二十四年分應徵漕白南贈等米俱照由單科則一條編徵其勒索諸弊槩行禁絕不許多收毫勺如有違犯許受害人赴院喊稟官卽飛章參拏吏則按律定罪各宜凜遵勿悔噬湯子遺書卷九 江南公牘

臍所有應禁款項開列於後
一禁收糧委任衙役及差親丁之弊訪得管漕書役及倉夫等類名雖逐年更換其實仍係老奸積棍鑽充舞文弄法無所不至乃歷來印官以事冗糧多不耐勞瘁或委衙役監收或差親丁管督不知此等下役罔顧民瘼惟知剝削每串通蠹棍朋比侵漁此爲百弊之源首應禁絕違者參處不恕
一禁蠹役豪強坐完輕糧之弊民間每歲完納糧米有漕白之分有南軍兵糧局恤之別蓋漕白爲運通之糧必須潔白圓整此外南軍等糧則民間

日食之米皆可上納訪得江南積弊蠹役豪強串
通經承將自己糧米派完南軍等類盡將忠厚零
星細戶之糧派完漕白是完納雖同而苦累迥別
殊屬不公各州縣官務嚴督經承均平分派如仍
前縱蠹作奸令百姓苦樂不均者訪實官參役處
一禁經承受賄賣限之弊訪得三吳民多怠玩凡
漕糧開徵不思上緊辦納以完自己分內之事乃
任意遲延臨限買囑經承將額數改多爲少完數
捏少作多苟免一時比責不知轉盼開兌水落石
出完者自完欠者仍欠或鎖拏追比或撥軍對夫
湯子遺書卷九 江南公牘

古

作奸自斃何益之有嗣後州縣官務將每圖甲應
完原額及每比完數親行核明實填比較簿內比
畢卽將此簿攜入內衙清查欠者摘比完者給串
歸農毋將比簿付經承收掌聽憑捏欠作完并措
不給串致糧戶經日守候如漫不經心致滋前弊
一經訪實除提經承重處外本官定以龔贖註考
一禁額外加收耗贈之弊訪得收漕積弊每多額
外加收小民終歲勤動所獲無多正供尚苦完納
維艱何堪分外苛取嗣後凡民間完納糧米著照
由單刊載之數輸將如有不法官役指名耗折勒

索加增或於額外科收或在見收米內扣除者察訪得實參究不恕

一禁踢斛尖量之弊訪得徵收漕糧踢斛尖量最爲民害所以本院上年蒞任卽通飭斛上釘擋公平收放此法雖經遵行不意其中又生奸計每多釘擋鬆寬提起推去尚留寸許是徒存釘擋之名未除高斛之弊殊爲可恨嗣後各印官須一秉至公另用檀木做造方平斛擋緊釘斛上令斛手將斛平放晒盤上勿許踢動務期一推淨盡不浮顆粒如敢仍前釘擋鬆寬縱容踢斛高提多收肥己湯子遺書卷九 江南公牘

五

者或經糧里喊告或經密訪確實定行參究不貸一禁糧斛暗藏襯木之弊訪得三吳猾吏止圖肥己不顧王章每於造斛之時密囑奸匠將糧斛牆底之間預造襯木四條斲削光平渾無縫跡起解印烙時抽出襯木周圍包釘輒薄鐵皮欺朦驗發收米則啓鐵加襯兌軍則去襯復元每底藏分許卽抵面浮半寸如斯奸弊令人髮指嗣後糧里完米須看明收斛牆底間無弊者方行起籌如有暗藏襯木著喊衆通知赴轅門控告以憑立拏經承盡法重處仍究造斛奸匠

一禁索送開倉心紅勒呈樣米之弊訪得不肖有司專以收漕爲利藪每於開徵時囑經承按圖索送心紅陋規於收米時又按戶勒呈樣米惟思填爾豁壑不惜竭民膏脂大玷官箴曷稱司牧嗣後各官須痛改前非潔已自愛民各有心斷無不鼓舞輸將早完正賦之理如執迷不醒仍行勒索呈送者定行參處

一禁各役勒索陋規之弊訪得收漕各役名色不一總屬經承催差倉書起籌之類凡值百姓負運完糧經承則勒索紙張規禮催差則勒索人事酒

湯子遺書卷九

江南公牘

六

食倉書則勒索給串錢起籌則勒索効勞錢倉夫則勒索鞋腳錢按石計算害非渺小民膏有限何堪層層剝削嗣後該州縣官嚴行禁革時刻稽察如本官徇庇縱容許糧里赴院喊稟以憑拏究

一禁勒取修倉鋪墊之弊查得倉廩皆係建造堅固鋪墊篾簞極爲耐久非歲歲修換者可比乃江南弊政每年收米印官徇縱書役勒取修倉墊鋪之費皆按糧計派深屬累民嗣後嚴行禁革卽遇倉廩滲漏篾簞破損該印官捐俸修補如敢陽奉陰違者定提經管書役重究

一禁道府廳官擅差索擾之弊訪得漕糧一經開徵道府廳官差票四出初則守催開徵次則坐催日報收數次則取報全完終則守取兌軍通關每一差到縣管糧經承始則有迎風酒繼則有接待酒每日則有供應飯食終則有起程人事送行酒席計支應少需七八金多至數十金不等嗟哉猾吏不特不肯捐自己之囊橐派取糧里抑且遇事生風以一科十爲害無窮嗣後印官務將開徵日收以及徵兌全完兌軍通關依期申報如有怠玩州縣申報逾限者道府廳官止許飛檄嚴催不得

湯子遺書卷九

江南公牘

七

擅差一役如有故違者許印官將差役姓名申報本都院以憑拿究如有經承藉稱各衙門差役供應酒席起程人事名目索取糧里者受害糧里卽赴院控告立拏盡法究處決不姑貸

嚴禁旗丁勒索以紓官困事

照得三吳漕白官收官兌民困旣蘇爲有司者未免增兌軍之累况邇來一應徵收陋規本院已禁革殆盡則今日之有司更非昔日可比矣倘不清釐兌軍之弊有司其何以堪素訪弁丁赴兌幫船之中有旗甲有伍長有綱司有管班有舵工水手

等類無一不朶頤漕糧豺狼成羣咆哮需索先滿
谿壑方行受兌及開兌之時則又百般刁難或米
本乾燥也而藉稱潮溼或米本潔白也而藉稱黃
雜或米本圓整也而藉稱碎小講塲颺講贈貼有
一不遂不得起斛及遂矣而起斛面兌完又措通
關開幫又索花紅種種陋弊大爲有司之累合亟
出示嚴禁爲此示仰各衙幫弁丁人等知悉爾等
領運赴通沿途起淺盤壩原有許多艱苦但朝廷
廷額設軍丁各有屯田領運正改兌米各有定耗
行糧月米各有額編此外蘇松常鎮則有五米十
湯子遺書卷九 江南公牘

六

銀江淮等處則有五米五銀若領給毫勺無虧爾
等尚有贏餘惟是道役侵扣州縣拖延致爾等費
用不敷遂生奸弊本都院久悉弊源除另示禁飭
糧道將折色贈銀足色足發月糧五米隨漕撥給
使爾等得受實惠外其前項勒索州縣兌漕陋規
盡行革除各務恪遵以保身命如敢故違許正印
官指名飛報本都院以憑專差拏究運官則飛章
參處旗丁則按律定罪決不姑貸慎之毋忽

衝驛苦累申飭禁革陋規事

照得下江驛路衝繁淮揚徐尤爲苦累近奉部文

裁減復二錢糧不敷處處告困舊例蠲扣災荒及不敷缺額等銀俱於司庫撥給而各屬裁站等銀又應解司此既赴司起解彼又赴司支領更有一處而有應領應解之繁往返徒勞并有守候之苦有扣剋之弊本院已經具疏題請嗣後各屬驛遞凡有不敷荒缺蠲停應補銀兩應照河工例卽於本州縣地丁實徵銀內就近撥足如本州縣地丁偶遇災荒蠲免不能足額卽於鄰封州縣應解裁站銀內按數協抵而將附近成熟州縣裁站銀兩應協別屬者統歸司庫充餉以免縣驛解領守候

湯子遺書卷九

江南公牘

尤

之苦并杜侵漁扣剋之弊但未知部覆何如未便遽行知照昨本院因賑荒至淮各屬俱陳驛困且言丁藩司發銀每百兩止八十兩今該司每百兩止六十兩本院不勝駭異驛站錢糧乃夫馬計口之需如此剋減衝驛安得不夫逃馬斃該司如此若州縣官再加剋減夫馬何以支應是部文議裁者二分而該司剋減者四分也若將剋減之數盡行給發則是復二之外又復二也驛站何苦之有昨據該司呈詳徐屬二十四年災缺站銀請於各屬本年解司裁站銀兩先行酌給六分接濟本院

因念徐屬驛遞衝繁已經批允給發但恐錮弊相沿胥役扣剋衝郵夫馬不沾實濟合就飭提驗給爲此仰司官吏文到卽將司庫撥補徐屬本年應給六分站銀照數允准解院以憑當堂驗明給發原差領回應濟以後各屬領銀俱報明本院將所發站銀解院當堂給付原差候本院所請就近撥抵部覆到日另行知照毋違速速

嚴禁徵收白糧積弊以恤民力事

照得起運白糧係上供玉粒自應悉心經理先期運解乃州縣印官每每私委佐貳另款徵收致微

湯子遺書卷九

江南公牘

三

員串同蠹役設立驗米給票看斛篩撮等項名目恣意誅求科索無已如春辦折耗業已隨正編徵復私加贈費包索人夫原有糠糶抵用又勒令捐輸或米本乾潔故稱花雜勒措不收或運米進倉刻意篩颺浮高斛面至於糯米每縣不過數百餘石乃槩云糯米價昂內扣外加任憑折算更有迫令折銀分肥入己種種弊端不可勝言是以本都院嚴行飭禁務令印官隨漕收貯痛除積弊今二一十四年分白糧正當徵辦之時而各屬或稱倉廩不足或稱包索無辦紛紛具詳無非欲踵陋習冀

吸民膏除經嚴駁并出示曉諭外恐不肖官胥啓
不畏法陽奉陰違合再申飭爲此仰道州縣官吏
查照來文事理本年白糧俱責成州縣官隨漕並
徵釋米色純一者卽另版收貯春辦不得另立名
色濫委佐貳徵收使民有分納應比之累其租賃
確曰包索人夫諸費悉照原編與糠糶資用不許
私加耗羨如敢故違縱蠹盤踞及令內丁親戚借
名看米額外婪詐前項諸弊本都院聞見所及官
卽糾參役拏杖斃斷不寬假各宜凜遵毋貽後悔
文到卽取遵依報查

湯子遺書卷九

江南公牘

三

欽奉恩詔事

案照各屬孤貧屢奉 恩諭令有司留心贍養毋
使失所久經通飭遵照在案惟是額編口糧柴布
銀米原爲矜恤無告而設自應及時散給使貧獨
得沾實惠恐州縣蠹胥冒濫扣剋希圖中飽以致
皇仁不能下逮合亟飭查爲此仰府州官吏查
照來文卽查康熙二十四年分恤孤銀米曾否接
數給足有無冒濫扣剋嚴行確查取各屬遵依并
孤貧領狀報查如有仍踵前弊該府州卽據實申
報以憑飛提重究毋得徇延取咎未便

謹陳河工善後事宜等事

據淮揚道呈報山陽縣運口地方應建石閘及清河縣西建造雙金門閘一座挑引河一萬餘丈卽以挑河上之土築堤束水順流不致散漫緣由到院據此爲照山陽縣運口所建石閘旣稱所洩之水仍入文華寺與支河匯歸運河南下並無淹漫民田之處似無庸議惟查清河縣西建造雙金門閘下開挑引河固洩水要道但民間田地俱關輸賦之區今挑河一萬餘丈由清河至安東共若干里旣非舊河自是民田今挑河築隄計毀廢民田

湯子遺書卷九

江南公牘

三

若干應作何題請蠲豁文中並未明言若挑河之後民間紛紛控籲責將誰歸事關會議具題事宜豈容如此含糊合亟飭查爲此仰道官吏文到立查清河縣西建閘挑河地方是否見係徵糧民業有無損害之處立刻據實回覆以憑定奪如與民田無礙該道府縣卽各具印結申報本院藉以覆旨如再含糊先將該道指名題參慎毋遲延速

速

嚴禁役滿戀棧以除弊源以信功令事

照得在外大小各衙門吏攢人等向多役滿戀棧

叢弊滋害是以定例五年卽行出缺不許仍復盤踞屢經奉旨通行本院下車之始卽於裁汰冗役內一併飭禁在案誠恐各衙門陽奉陰違不行覺察而此輩鮮廉寡恥罔知顧忌仍然戀踞作奸舞弊蠹國害民深爲未便合再嚴行飭查爲此仰司道府州官吏查照來文凡屬吏書攢役人等一經役滿卽便勒令出缺歸里不許徇縱容留衙門如敢故違或經本院訪聞或被旁人首告定行照例參處決不輕貸仍將實在現役若干役滿若干一併造冊詳報以憑稽核文到先具遵依報查毋

湯子遺書卷九 江南公牘

三

違

查修城內河道以通舟楫以便民用事

照得城內水道猶人身之血脈也貴於流通不宜壅滯蘇郡城內支川曲渠源自太湖吐納交貫舟楫旁通不但宣洩風氣亦且便民往來近年久不疏濬人居稠密灰土壅塞可通舟楫者無幾及今不行脩治必至化爲平陸民間完漕巨室收租皆須負戴勞苦當倍且水火常相爲勝負官民房屋櫛次鱗比水旣淤涸設有火災何以禦之舊歲賴天之佑幸稍豐稔今當春和合行飭脩爲此仰蘇

松道查照牌內事理卽轉行蘇州府及長吳兩縣
速查城內大小河道共有若干應作何修理會同
紳衿耆老酌議妥確具詳定奪以便擇日興工毋
得遲延

請勅修先賢祠宇崇正學以維風教事

案准禮部咨前事等因已行布政司轉行各府州
飭遵查報去後惟查江甯府先賢祠宇甚多而明
道程子祠在上元縣地方文公朱子西山真子皆
曾爲之記宋理宗賜明道書院額較之他祠宇更
爲隆重不知今棟宇垣牆尚堅固不至傾頽否歲
湯子遺書卷九 江南公牘
時祭祀不至缺失否諸生尚有講習其中者否合
行飭查爲此仰江甯府官吏查照牌內事理卽轉
行上元江甯兩縣查明程子祠堂現今建在何處
曾否修整歲時祭祀曾否舉行諸生有無講習其
中先行具文報院定奪如有傾頽速行設法脩葺
其餘凡係先儒讀書講學之地祠宇書院另行查
明續報毋得遲延速速

脩復先儒書院以崇正學事

照得東林書院爲宋楊龜山先生講學之地至明
顧端文高忠憲兩先生於此倡明正學斯道如日

中天遠近名賢同時相應摺柱國是維持綱常世道人心匡扶實多本院束髮受書卽切景慕今歲春初親詣道南祠瞻拜登講堂與諸生考德問業徘徊久之但見垣墉頽圯景象蕭條已面屬該縣加意整理今准部文各直省督撫學臣查明所屬先賢讀書之所有頽頹者設法修葺令該地方官鼓舞儒生講習奉有 俞旨本院所屬先賢讀書之所未有重於東林書院者興復自不容緩除行布政司轉飭該府縣遵行外合專飭行爲此仰司府縣官吏查照牌內事理卽飭行無錫縣官親詣

湯子遺書卷九

江南公牘

三

東林書院遍行閱視如垣墉有頽頹門窗有損壞者卽設法修葺務要處處堅固輪奐一新仍約集鄉紳耆儒循倣顧高兩先生講學遺規定期舉行庶幾真儒輩出正學日明仰副 聖主崇儒重道興起斯文至意毋得視爲具文自干咎戾

嚴禁汛捕指陷私鹽以除民害事

照得江陰地方濱臨江潯爲淮浙引鹽分界之處私鹽出沒所在不乏汛捕人役自應奉公巡緝杜絕梟販以疏引課庶幾地方甯謐閭安堵乃此輩捕快率多無籍之徒一充此役視爲利藪真正

大夥私販受賄徇縱過而不問其或貧民肩負少許食鹽動輒指爲巨梟拏解塞責甚至拋撇私鹽指陷窩家肆行圖詐拖累平民種種不法流毒無窮合行出示嚴禁爲此示仰該縣官役商民人等知悉嗣後巡鹽捕役務須慎選誠實有身家之人充當令於境內巡緝遇有好梟興販務須執法拏解如有無籍不法棍徒冒濫此役以私鹽爲囿陷詐善良者許諸色人等赴院指名具控以憑嚴拏重懲該管官不行覺察一並參處決不寬假毋貽後悔

湯子遺書卷九

江南公牘

三

嚴禁地棍假逃行詐以靖地方事

照得吳俗輕浮務本者少游手好閒之徒資生無策每每賣身旗下旋復背主逃回卽有一班無賴地棍串通交結以爲奇貨凡有夙昔仇嫌無不肆其詐害或指窩家或稱寄物信口誣扳拖累不已甚有設心奸險本非逃人亦冒旗下詐騙鄉愚莫知來歷卽或發覺到官良民畏累隱忍疇肯挺身出質此等奸徒恃逃人無刑訊之法遂以旗下爲護身之符殊不知定例內奸徒結黨借逃詐害無論旗廝民人俱照光棍例治罪煌煌功令久經

頒布乃該地方僻處江濱警不畏死之徒尙多流毒除已往姑不究外合行嚴示申禁爲此示仰江陰縣官吏軍民人等知悉嗣後如有地方奸棍勾引逃人與假冒投旗詐害良民者地隣保甲人等協力擒拏解送有司究審得實申報本都院以憑照例具題立置重典倘該地方官因循膜視故縱殃民察出定行一併糾參決不姑貸各宜凜遵

曉諭事

照得 聖駕臨幸宣諭臣民煌煌謨訓昭示千秋建立碑亭俱係各官捐俸脩理一瓦一甍一木一

湯子遺書卷九

江南公牘

三

石俱照時價發買匠役工食俱如數發給誠恐不肖官員借名私派或管工官役剋減絲毫及擅取民間一瓦一甍一木一石者非所以昭敬慎而宣皇仁也合行曉諭爲此示仰蘇屬官民人等知悉如有不肖官役假借修理 聖諭碑亭擅派民間絲毫及借取瓦甍木石或扣剋匠役工食虧累小民者或經本院訪出或被告發官行糾參吏役人等嚴拏盡法究處不貸

飭查學宮事宜事

照得府學名宦祠久矣傾圮無存今已蠲助重建

一新第查名宦神位悉照府學舊志而舊志凡另有專祠者俱未載入如范文正公胡安定先生與韋刺史皆專祠於學自不必再入名宦祠矣如狄梁公文信公周文襄夏忠靖功德昭著舊祠皆不在學內且多湮廢使諸公竟不得與俎豆之饗實屬缺典合行飭查爲此仰府學教官卽詳查漢唐宋明以來遊宦此地功德最著未入名宦祠者備列姓名官爵以憑斟酌補入其不甚著者姑闕之可也慎毋遲延

申飭事

湯子遺書卷九

江南公牘

三

照得郡守職任方面爲屬僚之師帥該府操守謹嚴心存慈惠所以本院前據士民公呈特疏題留荷蒙 宸鑒准帶所降之級留任自當倍加策勵恪供職業庶不負 聖主俯採下情破格使過之意乃近見奉行一切事件振作之氣全無墮廢之狀日見偏執怠惰罔克虛公勤敏凡有 欽部事件置之塵封毫不理論竟不知各有定限難以逾違如常熟江陰 二縣合界沙洲紛爭已久既經會勘自當平情公議以便據詳咨部乃仍行專詳日詞氣忿激全非持平息爭之道不知事關題咨司

道府縣之詳俱當全敘若偏執己見附會刁民何
以入告乎此以彼爲勢豪彼亦以此爲勢豪是爭
端無已時也豈太守之言乎又鹽臬王瑞徵等拒
捕溺死汛兵係關具題重案奉審數月供看游移
以致坐誤限期又江陰縣主簿把總文武殊途輒
於元旦互毆訐控宜興縣境內運丁沈漏漕船強
將汛兵鎖拏過淮該府身在地方全無約束又武
進宜興二縣正署各官交盤錢糧或已經革職或
已經病故一任行催查不清查報參他如靖江縣
土豪劉耀等抗糧辱官竟置不理及經批審亦無
回覆武進縣蠹惡陶三疎縱脫逃任其遠颺久不
執法拏究諸如此類難以枚舉總之居官全要心
平氣和秉公持正良善者保護之刁惡者懲治之
奉行案件尤宜凜遵 功令依期完結若自以官

湯子遺書卷九

江南公牘

三

爲士民保留輒違道干譽事事因循不敢執法剖
斷吏治民風必至大壞是該府先己自負 朝廷
非本院之有負該府憲紀昭然斷不能一味涵容
也合行申飭爲此仰該府照牌事理嗣後務須大
破積習痛改前非殫心政務凡前項事件卽速清
理完結毋得傲慢任性毫不關心俾本院樂觀成

效實所厚望倘再仍前因循誤事白簡具在毋謂言之不蚤也慎之慎之

酌定名宦祀典事

前行查名宦祠有應補入者據該學開列唐李栖筠後梁錢元璪宋李禹卿蔣璨王遂常懋元師朶列禿明魏觀八人皆政蹟卓卓有功德於民洵當補入祠內再查唐書狄梁公自冬官侍郎持節江南巡撫使毀淫祠千七百所該學開公爲河南道安撫大使考公會爲河北道行軍元帥更拜河北

湯子遺書卷九

江南公牘

三

所轄地廣蘇非駐節之地故郡志不載似不便入祠夫名宦祀於學宮必其人德業文學足動後人之景慕者方可入祠若在郡雖政事少有可觀而大節無稱亦不便濫入若有忠孝大節及德業文學表表於世者卽在任不久而遺風餘烈猶足輝煌俎豆本院備考舊志文信公周文襄夏忠靖三公外如唐韓滉白居易狄兼謨李紳宋滕宗諒孫覺王覲莊徽胡松年洪遵虞允文張世傑明巡撫蘇松李秉蘇松道凌義渠或以忠節著或以文學稱或以功業顯皆表表史冊而在蘇宦蹟亦復班

班可紀似當一併入祠以昭盛典爲此仰蘇州府
儒學教官再博詢耆舊參酌可否詳考諸公官階
及在蘇原銜造冊報院以憑置主擇吉入祠仍刊
入郡志以見宦蹟之盛鄉賢旣自巫咸季札始名
宦可否自伍子胥始一併確議具詳定奪毋得遲

延
查取遺書事

照得吳中風俗澆漓浮華盛而實行衰彝倫攸斁
士習不端本院思有以挽之每月吉在明倫堂講
解孝經小學發其本性之良以正學術之本江陰
湯子遺書卷九 江南公牘

三

故戶部侍郎張公諱有譽所著孝經義衍補六卷
切實條暢可資誦習仰縣官吏卽備紙張印刷五
六十本送院分散聽講各生再張公會刻胡敬齋
先生居業錄今板存否如尙存亦印刷十本該縣
前輩鄉先生更有何著述有關經學史書者一併
查明具報又張公亦嘗究心二氏之學聞有刻過
經解各印一本以備參閱毋得遲延

禁遏邪淫以正人心以厚風俗事

照得吳民好事鬼魅俗多淫祠而上方山爲最邪
魅惑人其來已久民間燒香趨奉寒暑不輟小而

疾病貿易大而冠婚嫁娶莫不先事祭禱畫舫戲筵備極奢侈牲肴羅列耗費不貲無論豪富之家窮奢爭勝卽負販餬口之徒朝不謀夕每過歲時亦必稱貸質當竭力諂媚甚有國家賦稅未必能完父母孝養未必能至而于諂事邪鬼則傾囊剝肉而不惜其愚惑亦已甚矣更有一班無恥奸惡婦人名爲師孃假稱上方五顯降附妄言禍福極其怪誕愚夫愚婦奉之如神明羅拜聽從兼行布施惑世誣民尤可痛恨此雖愚民執迷不悟亦由爲民上者不知化導驚醒以致世風日下民生

湯子遺書卷九

江南公牘

三

日感外負繁華之名內抱空虛之病良可慨嘆本院下車之始卽行禁止婦女燒香上年復將上方山五顯塑像投畀水火改塑關帝神像以鎮壓之自不致復興妖孽矣但吳中淫祠在在不乏今窟穴雖已蕩除誠恐市鎮村落仍有奸徒煽惑深爲民賊除行蘇州等府通查境內淫祠盡將塑像撤毀酌議改立社學義倉或取其材料助修學宮賢祠外合行出示曉諭爲此示仰蘇屬士民人等知悉嗣後民間婚嫁大事以及歲時伏臘止須祭其祖先不許備設茶筵邀請邪淫鬼魅恣意糜費

店鋪刷印紙馬盡行毀板滅迹如有故違許地隣保甲人等據實首報以憑查拏枷責示眾其師巫邪術亦卽報官驅逐不許容留至於地方祠宇除歷代先賢忠孝及土穀正神仍舊奉祀不議外其餘凡係淫祠槩赴有司舉報以憑委官勘明酌議更改如地方保甲徇情隱庇事發一體治罪決不姑寬各宜猛省本院爲爾百姓惜無益之費以期室家康阜勿以迂闊視之慎切慎切除出示曉禁外合行飭查爲此仰府官吏照牌事理卽便轉行所屬通查境內祠宇何處正神應留何處淫祠宜湯子遺書卷九 江南公牘

廢何代先賢忠孝有功德於民尙無崇祀逐一詳查明白將淫祠塑像盡行撤毀或改作社學義倉或改作先賢祠宇或取其材料充修學宮會同紳衿耆碩從公酌詳奪至民間婚嫁大事以及歲時伏臘止須祭其祖先不許備設茶筵邀請邪淫鬼魅恣意糜費店鋪刷印紙馬盡行毀板滅迹師巫邪術驅逐離境不許容留責令地方保甲稽查如敢故違一有發覺卽行據實申報以憑查拏重處通取遵依繳查毋違

據虎邱山僧廣巖等呈稱竊照本山零星茶地祖業相傳辦糧當差並非官地有茶樹百株二歲所產不滿二十斤每當清明時候府縣發封封鎖園門寺僧鳴鑼擊柝晝夜看守迨茗芽既抽府縣親臨採焙纖悉無遺雖給官價不足供製備家伙脩葺牆垣等費其文武衙門不知有限之茶已經採盡或單或票著僧要茶或紳衿到山購覓不曰抗違卽曰盜賣種種禍害難以枚舉等情具呈到院據此照虎邱之茶有限而僧人受害無窮讀文肅公薙茶說不禁爲之嘆息本院撫吳一載不知虎湯子遺書卷九 江南公牘

三

邱茶作何狀以爲薙茶之後山中遂無此種矣據呈府縣官役擾害如故殊可駭異合行嚴禁爲此示仰諸色人等知悉嗣後各衙門不許指稱餽送上司名色封鎖茶園恣行採取以及好事棍徒到山購覓擾累僧衆如有不肖官員仍前取用一經訪出定行從重指參衙役棍徒立拏懲處決不姑貸

嚴禁貼揭騰謗以戢刁風事

照得奸棍張貼揭帖禁例森嚴乃吳下刁民弁髦王法每因睚眦小怨田土細釁輒便裝架大題摭

拾浮詞刊寫款揭交相詆毀玷人祖宗污人閭閻
編成鄙俚不堪之語砌入新奇駢麗之詞遍貼街
衢聳動聽聞甚至揭姦淫則圖人妻女淫褻之像
揭偷盜則圖人穿窬掘壁之形種種刁誣變幻真
可痛恨此皆訟師奸棍設計詐人理不能勝借此
誣讎之事以圖陷害究竟公道難泯三尺具在徒
傷天理何損於人合行出示嚴禁爲此示仰撫屬
軍民人等知悉嗣後各宜安分息爭以保身家不
許造生事刊刻謗揭以及圖畫形像污辱他人祖
先閨閻如敢故違或經本院訪聞或被受害告發
湯子遺書卷九 江南公牘

三

嚴禁丐頭肆橫以除民害事

照得蘇屬地方有等強悍棍徒懶習手藝罔知稼
穡甘入下流管押乞丐名曰綱頭而綱頭之下又
有甲頭布散城市鄉村各踞地界凡係開張店鋪
之家每年勒取常例探聽民間婚喪嫁娶之事登
門講爨使費需索酒食動至數千數百文不等卽
貧窶之家亦所不免稍拂其意則號召疲癯穢臭
乞丐蜂擁其家撒潑狂呼不饜不止甚至鄉僻窮
民不幸而遇凶喪衣棺尙苦無措若輩喪心殘忍

猶復引類呼朋索酒索錢無不剝肉以遂其慾種種詐害難以枚舉地方有司全無禁戢窮民飲恨莫敢誰何以致釀成其惡肆無忌憚此等惡棍蘇松屬邑俱有而各鄉鎮尤甚除見在察訪拏究外合亟嚴禁爲此仰軍民人等知悉前項丐頭惡棍各宜洗滌肺腸改邪歸正以保軀命如敢怙惡不悛仍前詐害鄉民勒索常例許地鄰保甲及受害居民指名赴院呈控以憑嚴拏究審重杖枷示決不寬縱長此惡風也慎之特示

四哭奇冤事

湯子遺書卷九 江南公牘

三

據該道呈繳捐贖王勝身價銀兩緣由到院據此爲照王勝被誘賣身投旗一案前因王勝不能備價本院捐貲給發該道著令原中取贖去後今據回稱王勝夫妻子女已經胡筆帖式家給領完聚所發身價堅不收領而原契稱係遺失無存是否真情合再查給爲此仰道官吏卽將捐給銀兩速著原中褚大等齎往胡筆帖式家收領仍取原契繳查如果遺失無存亦當取其執照報院存案若旣令其夫妻子女完聚又不收領身價不還原契日後另起葛藤則今日之舉徒滋後日爭訟之端

是爲德不終殊爲不便本院不忍失信於匹夫匹婦該道面諭原中褚大往達此意如堅執不從本院之意已盡矣亦聽之而已卽具文報奪毋違

禁約事

照得吳民聽信師巫鬼魅俗多淫祠耗費財物惑亂人心其來已久本院蒞任之始卽行禁革近復將上方山塑像俱行撤毀禁革茶筵陋習蘇郡士民稍知醒悟乃聞吳江城內灰一保地方有五聖閣名小上方聚集尼姑倡言惑衆每逢新歲舉邑若狂男女混雜耗財釀禍深爲不法合行禁約爲湯子遺書卷九 江南公牘

三

此仰縣官吏文到卽將小上方淫祠并查該縣境內凡有五聖像俱行立刻毀除并禁茶筵邀請邪淫鬼魅一體遵行毋得故違

嚴禁商綱指官箕斂以清積弊以肅鹺政事

照得兩淮鹽場舊有匣費名色皆商綱指稱各衙門官役及過往貴客使費派斂不貲小商隱忍賄墊敢怒而不敢言積弊久沿殊可痛恨本都院下車以來一切陋規盡行禁止但揚屬去蘇寫遠恐仍有不法奸徒或假借本都院衙門員役名色暗行索詐者除見在密訪拏究外合行示禁爲此示

仰兩淮商人知悉如有商綱指稱本都院衙門員役名色派斂毫釐使費或本都院衙門員役私自需索毫釐者許受害商人不時赴院呈控以憑拏究審實立行處死或司道等衙門有押派商綱勒出陋規者亦許商綱控告審實將本官立行參處各商扶同隱諱一並拏究不貸各宜凜遵毋得故違特示

曉諭事

照得本院秉持風憲凡審理 欽件重大刑獄皆關吏治民命矢公矢慎上凜 天鑒下畏民瞻惟

湯子遺書卷九

江
南
公
牘

三

恐失出入致有冤枉但上下相承自有定體司道府縣轉轉駁審期於平允不謂竟有不肖官員假借 欽件院件肆行嚇詐廣納賄賂駭人聽聞

以 朝廷青天白日之法紀爲貪吏肥飽身家之計令人髮指本當卽行查參但蹤跡詭秘難得確據未便以風聞入告合行曉諭爲此示仰官吏軍民人等知悉以後如有此等弊端許被害人等據實赴院陳告本院親提審實卽行列款題參決不寬假勿得隱忍緘默使法紀蕩然本院賦性孤冷不能包荒各宜慎之

嚴禁擾累鋪戶以甦民困事

照得江甯府城爲省會衝繁之地官府經臨使臣駐劄絡繹不絕每有衙門蠹役指稱借備鋪設及公館取用名色動輒著落鋪戶供應卓橙牀椅等項差票四出恣行恐嚇刻不容緩至於文武科場接 詔拜表習儀拜牌祈晴禱雨設局造冊等項需用牀帳卓椅家伙無一不取之鋪戶甚至宴會遊樂射箭飲酒迎風送行喜壽祭醮一切私事亦皆濫取於民間漸至滿洲旗下見借辦成風亦皆相率效尤經紀小民擾累多端無有甯晷取用之

湯子遺書卷九

江甯公牘

三九

時則僱人挑送往返有腳力之費及至事竣赴領則衙門蠹役勒指守候更有借名多取遺失損壞種種疾苦難以枚舉小民隱恨吞聲向隅無告總督部院體恤民艱已嚴行示禁本都院雖駐節蘇城而省會重地尤爲關心向聞省城沿習陋規不一而足已節次飭禁何竟抗不遵依致令鋪戶賠累難支資業消乏日甚一日不肖官役弁髦 功令極矣合亟嚴示禁爲此示仰該屬官吏軍民人等知悉嗣後各宜凜遵 功令一切公私事務需用牀帳桌椅家伙不許白票濫取擾累鋪戶如有

府縣各衙門胥役仍敢指稱當官名色肆行取用
許受害鋪戶指名稟控以憑嚴拏重究該管官失
察一併會疏參處決不姑徇慎之特示

欽奉恩詔事

據江蘇布政司章布政使詳稱奉江撫都院憲牌
開准戶部咨開云等情到院據此爲照康熙二十
四年起運二十三年分漕糧欽奉 恩詔免三分
之一當卽通行遵照并出示曉諭在案續據該司
道以灰石銀兩係漕糧內扣出折徵而漕贈銀米
及本折行月均屬按糧編徵贈貼運丁之用詳請

湯子遺書卷九

江南公牘

四

一例扣蠲業經據以咨達現候貴部示覆惟是高
淳溧水二縣額徵漕糧於順治年間題准改折嘉
定安東二縣額徵漕糧自明季改折我朝照舊折
徵雖已統歸地丁起解然原屬漕糧款項是以康
熙十三年地丁錢糧奉 上諭蠲免一半而嘉定
縣折漕先經一例扣免續遵部駁仍行補徵是折
漕原屬漕項不得與地丁錢糧同邀浩蕩之恩矣
今奉 恩詔漕糧免三分之一則嘉定等四縣改

折漕糧自應一例蠲免三分之一但未奉部示不
敢遽行扣蠲相應咨請貴部迅賜裁示以便轉飭

遵奉者也爲此合咨貴部請煩查照施行

理財用人等事

據江蘇布政司章布政使詳稱奉江撫都院憲牌准吏部咨開文選清吏司案呈奉本部送吏科抄出吏部等衙門覆都察院左都御史張題前事該臣等會議得都察院左都御史張疏稱直隸山東山西河南所屬各縣俱有陞遷之員而江南浙江湖廣江西福建廣東陝西合七省共一百一十七縣竟無陞遷一人前開錢糧難完各縣種種積弊皆有害於徵輸行令各省撫臣確察繁劇屬縣遴湯子遺書卷九 江南公牘

望

選本省廉能素著熟知利弊之官照直隸通州保舉例題補內有人地相宜照舊留任等語查此七省各縣錢糧難完未必盡由民欠皆因官不得人徵輸無術額外科派胥役需索以致小民受累正項難完應請 勅下七省督撫確查地方凋敝錢糧難完州縣開明緣由將本省所屬州縣官員內循良慈愛徵糧有法者保題調補務使地方漸有起色錢糧全完其調補之官三年內果能將該州縣經徵及分年帶徵錢糧全完并興利除害有益民生之處該督撫據實具題吏部准其卽陞如有

錢糧不完及希圖陞轉生事害民者將保題之督撫一併從重議處又疏稱積年拖欠錢糧照 詔款自康熙十三年起至二十二年止江南拖欠漕項錢糧每年帶徵一年以免小民一時並徵之苦一例分年帶徵有能於三年之內清廉愛民勸輸全完者不次優陞等語查江南等省十七年以前未完民欠錢糧於康熙二十年十二月二十日奉 恩詔蠲免據各省督撫將實在民欠錢糧保題戶部俱經豁免在案應無庸議其十八年至二十二年止未完民欠錢糧若一時並徵恐民力有限

湯子遺書卷九 江南公牘

聖

錢糧反不能得應自二十四年起分年帶徵仍行各省督撫將各年未完錢糧數目造報戶部查核又疏稱如有騷擾驛遞豪強隱漏蠹役包侵等弊應嚴加申飭以儆將來如有前官捏墾虛糧陵谷變遷廢地責令該縣清丈明確報部除豁等語查兵部例內差使馳驛行走官員將州縣驛遞人員辱罵毆打索詐財物將領去之官革職如係撥什庫差官拏交刑部從重治罪通行在案至開墾荒地例內有未經開墾捏報者督撫降二級罰俸一年道府降四級調用州縣衛所官革職且前官在

丙如果有陵谷變遷廢地并捏墾賠補虛糧之處
接任官豈有不卽行申報督撫請諮之理應將此
二款無庸議恭候 命下之日臣等遵奉施行康

熙二十四年三月初七日奉 旨依議欽此欽遵

抄部送司相應行咨爲此合咨前去煩爲欽遵查

照施行等因到院備行到司奉此隨經轉行各府

州屬遵照在案今該本使司查得部文內開康熙

十八年至二十二年止未完民欠錢糧若一時併

徵民力有限錢糧反不能得應自二十四年起分

年帶徵等因除現行各屬確查實在民欠錢糧數

湯子遺書卷九 江南公牘

聖

目造冊送部外惟是部文內所開積年拖欠錢糧

原指一切民欠而言則凡係拖欠在民之銀自應

遵奉部文一例帶徵以沾浩蕩今查各年未完蘆

課錢糧原係民間按畝輸將之項當日備陳舊欠

無徵等事案內奉 旨將康熙十年至十二年地

丁錢糧蠲免十三年至十六年地丁分年帶徵續

將蘆課未完請同地丁一例蠲緩奉有部文允准

在案今康熙十八年至二十二年民欠既奉 俞

旨帶徵所有各年課銀應否率循舊例與地丁錢

糧一並自康熙二十四年爲始分年帶徵其各年

撫司府州縣催徵年限統俟帶徵之年另將完欠
造報仍先確查民欠實數造冊報部查考相應仰
請咨部示奪以便遵循等情到院據此相應咨達
爲此會同總督部院王合咨貴部請煩查照施行
題明巡邏會哨之法永靖海氛仰祈睿鑒事
據蘇松道劉副使詳稱云統候會核咨題定奪等
因到院據此爲照海禁已開大海之中奸宄易於
竊發或至擾害商民官兵巡邏固不可少然官兵
出洋借端生事亦勢所必至本院愚見以爲承平
之時鎮定爲要與其無事而滋擾不若持重而有
湯子遺書卷九 江南公牘

閣

待一循舊制各安汛守總要號令嚴明操練以時
萬一奸宄竊發可以一鼓成擒平日出洋巡邏恐
致反生事端鄙陋之見自知無當仰承咨詢不敢
不竭一得之愚相應咨會爲此合咨貴部院請煩
查照施行

再行申飭獄政以廣欽恤之恩事

照得地方官教化不明政刑不修以致盜賊滋起
獄訟繁興圖扉之內至不能容夫有司旣不能使
囹圄空虛猶當思議獄緩死乃近來囚犯監斃纍
纍見告本院每省覽案牘不覺廢卷而嘆雖從前

屢經申飭而司獄之官毫不加意牢頭獄霸行暴
毆人或飲食八門而本囚不得入口或敝袴到獄
而本囚不得被身或卧之矢溺之中或肘諸柱楹
之上甚至強盜初入溫飽之家無不唆逼誣扳有
要索不遂陵虐致死者有仇家買求獄卒設計致
死者有夥盜通同獄卒致死首犯以滅口者有獄
卒放債逞兇專利坑貧因而致死者有無錢通賄
斷其供給有病不報待其垂斃而遞病呈或死後
而補病呈者倘係情真罪當之囚瘐死猶可中間
有抱寃待辨之人株連未結之案一槩死於囹圄

湯子遺書卷九

江南公牘

畢

所傷天理不細夫于公治獄平恕而子孫皆至八
卿歐陽夜燭檢書而文忠遂參政事援古證今報
應如響爲此仰司道府州官吏查照牌內事理卽
轉行所屬州縣今天氣漸暑一切監禁人犯凡關
命盜逃人等件重案俱刻期審明詳結倘輕事株
連及婦女非犯姦殺重罪皆不得濫禁至若斬絞
軍流重犯照例均給口糧毋許胥役扣剋禁卒陵
虐其或原有獄田日久隱沒者槩行清出監房頽
敝者設法修整暑中多然蒼术卧所用板高鋪或
有疾病印官必用心查驗督醫診視如漠不關心

病死數多不但憲法難容恐閻羅一本帳簿不能相恕亦可畏也各宜猛省毋視具文通取遵依繳查

無錫縣東林書院呈詳事

看東林書院龜山先生講學地故當時從祀皆門人相傳卽忠定南軒象山慈湖之賢猶加釐正蓋先儒之慎如此顧高諸先生皆興復東林同堂講習其祀於東林固宜啓貞以後仰再查確詳報繳臨行曉諭士民

本都院撫吳三載一飲一食何莫非百姓脂膏而湯子遺書卷九

江南公牘

吳

地方刑名錢穀簿書執筆晝夜拮据未嘗暇逸心雖無窮力實有限今蒙 聖恩優擢輔導東宮職任重大本當聞 命就道因 欽件部案限滿當

結稍稍料理卽星馳北上爾百姓念本都院愛民有心忘本都院救民無術罷市挽留數日聚集院署哀號之聲至不忍聞本都院與爾百姓一體相關豈忍因本都院之行遂使爾等士廢讀書農廢耒耜商廢貿易本都院爲之寢食不安本都院於地方利弊民生疾苦知之頗真入 朝之後或至尊顧問或因事敷陳或九卿會議當盡力鑿鑿

言之况 聖主眷念財賦重地必簡公忠清惠才
德兼全之大臣十倍於本都院者來撫茲土爾百
姓何用多慮本都院平日告誡爾百姓之言歷歷
具在卽朔望率爾百姓叩拜 龍亭講解鄉約亦
欲使爾百姓知君臣大義 朝廷恩德自今以後
願爾百姓孝親敬長教子訓孫忠信勤儉公平謙
讓事要忍耐勿得妄興詞訟心要慈和勿得輕起
鬪爭勿賭博勿淫佚勿聽邪誕師巫之說復興淫
祠蚤完 國課共享天和此本都院惓惓望於爾
百姓者本都院身在京華此心尤當往來於此地
湯子遺書卷九 江南公牘

望

本都院見爾百姓如此情狀既愧平日救民之道
未盡又不忍遽愆然而去但 君命不敢留輔導
東宮之任誼不敢辭惟爾士歸書舍農歸田疇商
歸市肆使本都院之心稍安無復紛紛擾亂可也

